



御選明詩卷第六十一目錄

五言律詩十二

方揚一首

吳丕顯一首

鄭學醇一首

高善一首

李應徵四首

姚舜牧一首

林章二首

孫繼皋二首

孫鑛一首

御選明詩

卷五 目錄

趙南星一首

李三才三首

徐元春一首

邢侗三首

鄒迪光五首

范守已二首

徐三重二首

李誌一首

錢應晉一首

馮琦八首

鄒元標二首



陸可教一首

馮夢禎一首

徐桂一首

張維新一首

顧紹芳三首

沈自邠三首

沈九疇一首

蘇濬一首

吳達可一首

吳安國一首

張敬一首

御選明詩

卷五

目錄

朱應轂二首

屠隆三首

鄧汝楫一首

馮大受四首

陸長庚一首

余寅一首

葉初春一首

車大任二首

楊于庭五首

董嗣成一首

臧懋循一首

章嘉楨一首

張恒二首

張萱一首

朱國祚四首

葉向高一首

徐應聘一首

于若瀛二首

來三聘一首

朱長春七首

方應選七首

莊履朋一首

御選明詩

卷空

目錄

湯顯祖四首

曾士鑑一首

陳邦訓一首

唐文獻二首

楊道賓二首

全天敘一首

袁宗道五首

袁宏道九首

袁中道十首

吳應賓一首

王士昌一首

李啟美一首

王嘉謨三首

沈瓚十一首

潘大復二首

王一鳴一首

徐燾二首

徐燾八首

張文柱一首

李鼎一首

焦竑五首

陶望齡八首

御選明詩

卷五

目錄

董其昌九首

高攀龍一首

馮從吾一首

林堯俞五首

御選明詩卷第六十一

五言律詩十二

方揚

金山

虛閣疑無地，琳宮別有天。江空萬籟發，僧定一燈懸。七澤吞吳楚，孤峯自歲年。乘風興不淺，高眺已泠然。

吳丕顯

題襟江樓

纜解春江曉，帆懸碧樹秋。開窗千里月，近檻一江流。草色迎芳渡，歌聲逐去舟。十年湖海夢，猶自媿沙鷗。

鄭學醇

御選明詩

卷六十一

方揚

吳丕顯

鄭學醇

一

園居

藥裹供垂老，幽棲性獨偏。每尋高士傳，無復遠遊篇。柔櫓村煙外，寒江夕照前。沙鷗我與汝，相對可忘年。

高善

秋泊

暮色生紅樹，天風起白蘆。錢塘西入閩，銀漢北懸吳。月瘦霜華重，松高鶴夢孤。不知今夜酒，能到五更無。

李應徵

江行與蘇生別

葭葦正蒼蒼，綠流水一方。平沙連極浦，斜日上危檣。坐惜故人別，因悲江路長。行行秣陵近，回首各他鄉。

人日峴山遣興

人日人為客春風春可憐煙波浮宅遠丘壑寄情偏柏
葉烏程酒椒盤下若編如從習池飲醉臥峴山前

正月十六夜畢孟侯至

春草忽已綠春潮寒到門喜從新雨後得共故人言小
婦調中饋殘燈續上元庭梅未搖落還擬數開尊

廣陵送張孟奇

乾坤同作客千里任飄蓬況復離亭別蕭條落照中濤
聲揚子北寒色海門東去去煙波外無為歎路窮

姚舜牧

秋日訪臧顧渚年丈慈感寺不遇

御選明詩

卷空

李應徵

姚舜牧

林章

二

為憶交情好攜筇過道林雨餘秋水淨地迴白雲深入
定聞清梵留題付朗吟道然真會晤何必共披襟

林章

白雲觀秋夜

俯仰成何事浮沉寄此身無家逢寺好多病見僧親夜
久霜欺客庭空月礙人西風數相過不掃化衣塵

舟中別張仲豫

昨日淮陽客今朝江上還離亭一杯酒去棹萬重山雲
樹故人意風塵遊子顏未知攜手處莫惜暫追攀

孫繼皋

山中

山中無棟宇小屋但誅茅境僻人煙少林深虎迹交暗
泉通石竇炎日避松梢寂寞元無事披襟誦解嘲

立秋日病

伏枕仍今夕開軒乍已秋高梧片葉落大火一星流楚
戶砧初動齊紈扇欲收因思故園鱸強起賦登樓

孫鑛

雨

漠漠雲籠閣霏霏雨拂簷彈琴絃半緩收扇墨多黏古
礎方花潤高枝墜果甜此心無俗慮屋漏亦何嫌

趙南星

春日郡居

御選明詩

卷二

孫繼皋
李三才

孫鑛

趙南星

三

乘暇尋幽事名香手自焚澆花分細草翫鳥得孤雲天
擁青山近風飄白日曛長歌思隱士終老謝塵紛

李三才

秋夜宿直

十載猶郎署蹉跎媿少年涼風迴樹杪白露下庭前漏
度三更雨燈殘五夜煙由來飛動意回首欲茫然

送姜仲文之徐州

轉餉君之楚為郎我滯燕一尊悲遠道並馬憶朝天雲
失西山樹江迷大澤煙相思若汴水日夜咽君前

送馬心易被謫南還

風雨金陵暮蕭然逐客舟酬恩空一劍去國正三秋岸

關青楓遠江深落照愁五湖知有興只此又何求

徐元春

靈谷寺訪月泉禪師

山郭尋僧出行行黃葉邊石泉秋聽急江月坐來圓興
豁長昏夜門開不住天時聞鐘磬發獨立萬峯前

邢侗

秋日得李希說年兄太原書却寄

故國風煙古天涯草樹疎月通汾水夢雲度太行書出
處皆吾道寒暄有敝廬題封猶未悉瓜地待春鋤

臘日送野鷗先生赴清源訪狄將軍

殘雪猶在地送君將奈何客衫翻酒污鄉夢落梅多曉

御選明詩

卷三

徐元春

邢侗

鄒迪光

四

寺鐘初定寒林鳥始過行行遇知己按劍一長歌

聞王百穀寓南屏寺奉懷

卜築南屏寺多因太守賢榻移千竹潤書枕一牀眠禮
佛沈香火看花細雨天無緣陪勝侶吟望獨淒然

鄒迪光

春日園居雜詩

行吟不放盞坐釣亦攜書山鳥時調弄階莎勿翦除習
眠如濕柳避客似驚魚游冶非吾意春光任爾舒

秋日泛舟至山園兼過法院次林若撫韻二首

水容開皎鏡汎渚愜新秋紅樹能迎客青衣學駕舟藥
闌天露洗澗道夜珠流自笑如拳石難言五岳游

廣圃深瀦壑駢房曲貯山堤長留竹捍牖每惜花關月
暗厖先睡林昏鶴便還名流真爾輩杖履欲追攀

吳門歸入惠山寺

勝遊不惜屢餘興尚淋漓竹路青相借花宮翠亂披酒
闌留月住曲半受風吹為問梁溪夜何如吳苑時

崑山道中

數尺布帆輕清溪一掌平小山時點綴遠樹不分明似
雪汀花舞如歌水鳥鳴行行日漸暝絳蠟坐吹笙

范守已

過趙州

故國城池壯神京驛路遙禪宗尋古寺仙跡覓長橋山

御選明詩

卷五

柳迪光

范守已

徐三重

五

近雲常暗霜嚴木欲凋齋頭聊駐節風急馬嘶驕

渡黃河

王程催驛使河水正流澌鼓柁黃頭猛鳴榔白鷺移參
差冰岸闊款乃棹歌遲為念懷沙客中流一賦詩

徐三重

秦淮夜月

小閣初秋夜秦淮月正明潮分江水白煙帶露華清夾
岸朱闌映中流畫鷁輕由來佳麗地風物總多情

曉渡大江時旭日散霧微風作波延佇金焦鍾

石之奇因思陳隋舊事賦此

江流發牛渚海日曙龍宮浪散千巖雨帆輕五兩風天

門開白下地脉限吳中遙憶臨春恨飛軍有路通

李誌

前歲舟中得病喜逢馮元成兵憲今來京出示
新稿有見贈詩次韻荅謝

追趨臨桂日回首正傷神避客形容悴逢君意氣真
文章雄繡虎勲業望圖麟此去楚江遠風波好自珍

錢應晉

九日故城舟中

無處尋籬菊何人送酒來故園知滿徑此地少深杯
岸柳霜前脆雲鴻日暮哀悲秋憐楚客懷抱向誰開

馮琦

御選明詩

卷五

李誌

錢應晉

馮琦

六

秋夜

天宇澄秋序涼風夜色微為憐明月好不掩白雲扉
遠火孤村徑鄰燈寒女機砧聲欲愁絕幾處賦無衣

立秋前一日載酒過懋忠

今日良宴會情深更起愁追歡還卜夜戀別不禁秋
螢火含風冷燈花近雨收休言尊酒盡歸及細君謀

觀暨侍中園

常侍菟裘地停車試一過草淒幽砌冷雲白遠山多
過午移花影因風聽鳥歌小塘春水滿猶是舊恩波

韋莊與直卿世用分韻

半畝松陰合一庭草色斑賞心花共醉幽意鳥相關
鐘

磬水邊寺煙霞天外山良游同二仲薄暮不知還

可大同邀于宮諭飲摩訶菴南園步至釣魚臺
夜眺還宿法藏菴紀事

暮煙望不斷幽徑一何深未盡寰中賞其如塵外心浮
雲千樹色殘日半山陰漸與祇林遠猶聞清梵音

重遊黃錦衣園亭懷朱可大

滿院清陰合雙槐抱小亭樹搖杯影綠草映屐痕青花
鳥閑同醉風塵笑獨醒年年遊此地不負草堂靈

晚酌堤上

未盡濠梁意聯鑣復再過當歌愁日暮不醉奈春何芳
草連山碧垂楊近水多歸期難自緩留興寄層波

御選明詩

卷五

馮琦

鄒元標

七

宿樓雲閣

曲徑穿林入高樓面水開鳥將雲並宿客與月同來竹
色四時雨泉聲半夜雷乍驚衣袖濕露下泛舟回

鄒元標

東林寺

皓月東林寺來過恰二更碧天澄霽色涼夜捲濤聲虛
谷攢松檜芳洲剩杜蘅秋風吹拄杖擬續北山盟

山居雜興

秋色橫川度終朝自掩扉已便麋鹿性不負芰荷衣有
酒山堪對無官客到稀愚公眞類我久息漢陰機

陸可教

春日郊游

出郊時駐馬物色澹春陰
偶爾耽幽賞因之愜素心
人家隔水見僧院入花深
似覺仙源近迷津未可尋

馮夢禎

賦得楊柳可藏烏

嫋嫋白門前藏烏倍可憐
柔枝排影度密葉引雛穿
啼合驚宵陌飛應破曉煙
新知樂如此詎惜故腰妍

徐桂

送義公結廬天台

海上栖霞境披雲訪石橋
一併依澗壑磬落山椒華
頂經年雪松門半夜潮
預愁支遁去誰與共逍遙

御選明詩

卷五

陸可教
張維新

馮夢禎
顧紹芳

徐桂

八

張維新

萬壽節早朝

六位龍飛日千官虎拜年
萬呼聞漢殿華祝戴堯天
綵仗清霜肅金爐紫霧連
不才班侍從踈踏冕旒前

顧紹芳

同公亮敬承茂仁郊游

共道尋春好兼之出郭幽
林塘三月暮休沐幾人游
樹樹陰初合溪溪澹不流
從來耽野趣即是滄洲

即事

小閣上干霄幽人野望遙
澹雲清曉樹疎雨綠春苗
天閣前朝寺風多隔浦橋
心期竟何託鐘磬日蕭蕭

喜陸彥先至

常憶秋風裏離尊共黯然所期寧此地相見忽經年白
眼時人過青山旅夢牽懸知有新語羞屬蒯緱篇

沈自邠

送徐洪陽侍講使荆

送別青門外雙旌去路賒楚天高擁傳江瀨隱浮槎赤
社開王胙金莖憶帝家上林新賦就雲夢未應誇

白下留別賀伯閣

高閣經旬別孤帆此日開風塵催作客花鳥負銜杯細
雨白門樹浮雲江上臺相期不相見愁思轉難裁

送高蓋卿少參

御選明詩

卷十一

顧紹芳

沈自邠

沈九疇

九

驛騎花前發東風二月過漢家新節鉞秦地舊山河津
樹關門合春雲渭水多西臺誰領袖咫尺望鳴珂

沈九疇

雨中簡吳山人汝震時寄居鐵柱觀

倚柱看黃鳥窺簷拂翠條吾衰春亦去汝病興還饒山
色樓中兩江聲郭下潮何如平楚外煙柳赤闌橋

蘇濬

曉發界河

客路逢秋杪中原曙色分無情原上草不斷嶺頭雲醉
月懷梁苑觀風過汝墳楚天看漸遠何處問湘君

吳達可

過萬氏別院見舊題有感

郭外尋春勝幽懷
酒卮澗從峯外落
雲向竹邊移野
客多新味山僧半
舊知不堪追往事
日月逝如斯

吳安國

登北固山甘露寺

寺憶南朝古
山橫北固遙
千峯圍鐵甕
雙髻擁金焦
隔岸維楊樹
空江建業潮
高樓信多景
秋意獨蕭條

寺有多景樓

張敬

寄王汝賓

山房黏石壁
蒼翠暮煙收
野水亂流合
沙禽幾點浮
人歸櫛葉寺
月映蘆花洲
白露澄江闊
故園何處秋

御選明詩

卷十一

吳達可

吳安國

張敬

十

朱應轍

中秋登東阿城樓

東郡逢佳節
南樓上小梯
窗迎歸鴈近
坐覺遠峯低
魏闕燕山北
黎陽魯甸西
清輝真可戀
不寐信烏啼

東流泉

清流環曲徑
翠色映遙岑
山靜少人跡
林深多鳥音
雨餘雲破練
月上酒浮金
千里來知己
同游愜素心

屠隆

元夕集司馬公宅

同是春宵醉
今宵樂未央
花明天不夜
塵暖月生香
人語朱樓細
簫聲碧海長
絳河低欲沒
猶進九霞觴

秋日懷友人

寒砧萬戶滿黃葉
下空城叢菊堪垂淚
江流不住聲
病惟詩得意貧覺酒多情
同是傷搖落秋天日暮行

泛澱山湖

扁舟凌紫氛
瀟灑絕人羣
浦暗遙吞樹
湖空不礙雲
浪推沙鳥出風
挾寺鐘聞故有滄洲癖
徘徊眷夕曛

鄧汝楫

將至清源作

清源看不遠
暮色逐征塗
寒入蕭蕭樹
身隨汎汎鳧
扁舟漁火亂
明月水天孤
苦受微官縛
高陽愧酒徒

馮大受

御選明詩

卷三

層隆

鄧汝楫

馮大受

十一

竹素園詩

城隅饒綠野
况復傍滄洲
碧樹藏朱閣
澄潭下白鷗
入林但嵇阮
開徑只羊求
不戀區中賞
眞同汗漫游
曲徑逶迤轉
山亭石路斜
連岡皆是竹
無地不栽花
堤柳縈如織
溪桃爛若霞
尋漁到西堰
僻靜似山家
別院仙臺古
吾齋相與鄰
丹砂餘大藥
花木祕長春
插架書連屋
巢松鶴近人
庭前有高樹
八百頌莊椿

登岱

直上中峰頂
方知泰岱尊
岡巒迴地軸
星斗挂天門
孤嶂秦皇碣
清池玉女盆
仙人雲外度
白鶴日飛翻

陸長庚

感興呈景陽兄

林藪原吾志年來遠市朝青山歸計穩白髮壯心凋夢
逐翻風蝶名成覆鹿蕉小窗休沐暇閑步誦逍遙

余寅

魯橋村

半景臨墟塢雙榆闢里門秋風吹巷陌落日散雞豚野
外桑麻闢山中父老尊喧喧村釀集賽鼓正黃昏

葉初春

梁谿留別徐少南

直北三千里郵籤第一程渾忘相送遠誰道別離輕驛
火抽帆宿河冰策馬行不知遊子夢仍戀闔閭城

御選明詩

卷三

陸長庚
車大任

余寅
葉初春
楊于庭

十一

車大任

金谿苦雨

咫尺金谿道年來幾度過郵程千里急鄉夢五更多雨
色迷芳草風聲走濁河泥塗軒冕意去住欲如何

送吳求叔還蒲圻

我留君且住盡日醉春醪作客修長鉞歸心慰大刀片
帆淮浦遠匹馬楚山高莫負重來約相思夢寐勞

楊于庭

同朱可大胡允垂申敬中遊張園得風字

野境喧囂隔滄洲咫尺通馬嘶深竹外人醉落花中卷
幔斜捎月披襟晚趁風相看飛動意莫放酒杯空

早渡揚子江

篙滑露泥泥舟人及曙雞曉霞催日早秋水拍天低岸
闊三山樹潮迷六代堤巖城猶未啟何處聽烏啼

遊斗山

茲山真斗絕今日始攀躋不得孤峯上何知萬木低雲
邊飛瀑布樹杪落虹霓攜醞情無極悠然聽鳥啼

霽

甘澍畦流駛晴霓野望濃日昏猶帶雨雲亂不成峯曠
濕移衣桁乘涼倚杖筇漁舸趁陂水長汎月溶溶

暑日次孚如采芳亭韻

返服村村適歸田事事幽松風渾忘暑山月恰如秋樹

御選明詩

卷十一

揚子庭

董嗣成

臧懋循

十三

石分三島疏池匝一丘慚無謝朓句杜若滿芳洲

董嗣成

渡江

搖落長干道淒涼楓葉丹殘霞連海盡細雨入江寒楚
樹帆前沒吳山夢裏看鄉關悵回首長路正漫漫

臧懋循

望亭夜泊

向暝投何所依微識望亭客舟今復至津路昔曾經瑟
瑟風吟樹離離鴈度汀翻令鄉思逼數起視明星

章嘉楨

齊雲山下溪行

白岳朝真罷乘桴下小溪急湍清見底芳草踏成蹊
傍樹山樓出眠鷗浦漱低不須歌越調落日到城西

張恒

荊州

迢遞長征客徘徊故郢墟風煙平野闊沙月大江虛
峽近啼猿切天寒落鴈疎蕭蕭荒草遍惆悵楚宮餘

憶槎上舊居

千古浮槎處吾廬乃在茲雲沙重護宅潮汐宛通池
野鳥啼花徑漁人唱竹枝白衣諸故老伏臘互傳卮

張萱

邗溝懷古

御選明詩

卷五

章嘉楨
朱國祚

張恒

張萱

十四

不盡邗溝水微茫日夜流潮連揚子渡煙接海門秋
樹影浮荒堞蟬聲到客舟興亡無限意落木共悠悠

朱國祚

雪

夜來千里雪曉起徧長安轉覺西山近宜從上苑看
河冰難渡馬野艇盡投竿最苦東征士關門擊柝寒

同周公瑕屠緯真俞羨長石湖翫月分賦得天

字

今夜清秋月江橋一串懸樹深潛滴露水闊不分天
滿載官廚酒聽彈商女絃薄寒風漸緊主客未回船

繇桐廬經釣臺下作

藥草仙人錄星文鈞客槎祠開高下屋江溜淺深沙絲
樹絲蠻鳥丹崖躑躅花誰歌竹如意懷古一長嗟

萬壽寺

貝葉三車少華鍾萬石餘聲仍到長樂地合置精廬瀟
灑人王界莊嚴學士書秋來霜落後流響更何如

葉向高

渡江即事

無嗟風土異已自邈關河村舍人煙少旗亭酒幔多春
寒芳草歇天闊斷鴻過長路方茲始微名奈若何

徐應聘

瀛洲亭對雨

御選明詩

卷三

朱國祚
于若瀛

葉向高

徐應聘

五

祕閣清宵近蘭泉曲沼開宿煙生暮雨新水長秋苔地
向蓬萊接波分太液來憑軒多爽氣疑在白雲隈

于若瀛

晚投清江浦

淮水吞江浦孤帆晚復開樹移沙岸轉波逆海潮迴人
語迎村雜漁燈拂櫂來繫舟猶未穩寒漏已頻催

高郵湖

高郵初挂席波起蕩湖村遠水浮天白孤城過雨昏柳
條依岸斷鷗鳥向人翻破屋稀煙火滔滔銷客魂

來三聘

豫章夜雨

二月餘寒在高齋聽雨眠夜愁牽往事春夢入芳年才
拙官何補家貧俸未捐遙憐鏡湖水重負杏花天

朱長春

夜泛

落日放帆疾長塘水氣昏瀨聲微引棹燈影遠知村魚
留承舟隱津人辯路喧臥驚傳柝起風急到城門

前溪

涼風吹雨斷細路入舟低溪鳥銜花立山鳩倚竹啼下
菰秋意古喬木野雲淒一路人煙少村聲何處雞

下菰城
喬木山

湖上晚歸

落日放歸船山山起暮煙藻青浮礙檠鷺白淺過田孤

御選明詩

卷十一

來三聘
朱長春

十一

塔鐘聲外長橋燈影邊遙聞喧渡口簫鼓到城偏

自黃龍洞歸泛月水酌復謝允昌

水酌登山後溪船泛月回嶺霞依渡沒村火帶星來魚
躍青翻棹螢飛白照杯納涼蘆際好留客釣徘徊

出三江口南下

日出漾清渚三江帆正開白憐茅步

山過青見芋蘿
名村

來海氣如秋雨春潮似薄雷空餘好山水已是越中回

赴歷下塗中作

白日散原霧秋光照井閭海田秋歲早寒木落風初天
地身長滯風塵役未除病夫心尚壯不敢憶鱸魚

再贈伯念

茂陵多病日詩句轉清新麗藻看時輩窮愁近古人
莫絲吳苑暮蘭草楚江春珍重凌雲賦君王問侍臣

方應選

偕陳仲醇陳箕仲游青野禪寺

隔橋橫野寺梵響荅農歌鉢水含風淨茶煙帶雨和
天花揮塵落竹翠拂衣多便欲辭僧去其如詩思何

箕仲貧復故業

負郭蕭然在何煩更拮据故宮惟一畝環堵足三餘
坐擁高人榻門驚長者車春風看社燕依舊到庭除

同豐城游京兆遊白雲寺

客有丘中賞言尋到白雲風流京兆擅名理惠休聞揮

御選明詩

卷十一

朱長春

方應選

七

塵空花落飛觴曲水分未須窮五岳聊此共清芬

贈初文學景范

意氣誰傾蓋風塵爾不羣攤書長愛日灑筆欲生雲
負郭披朝爽臨流弄夕曛獨憐河畔柳尊酒片時分

李伯東招飲觀蓮

偶赴青蓮燕言游碧玉池龜將千葉戲鳥向並頭窺
灼灼影侵燭盈盈香滿卮夜深忘去騎總爲惜花遲

建谿放舟

日羨乘山好山間復鼓舷飛流穿石罅絕壁與雲連
望斷渾無路行來別有天茲游安可紀應向畫中傳

過順昌喜霽

行行逢旭日爽氣馬頭開
暗水分畦界輕雲護石苔
烏啼風定樹花落雨前臺
偶駐長松下香脂拂袖來

莊履朋

別林尉

桑梓勤吾念憑君破寂寥
自今花下吏日折道傷腰
象郡風煙隔龍城瘴氣消
行春聊佐令亦足采歌謠

湯顯祖

江樓送東粵翟先輩

樓上秋風遠城陰水樹微
芙蓉低木末暝色上林霏
海燕涼猶拂江鳥靜不飛
登臨澹無色還似送將歸

秋發庾嶺

御選明詩

卷五

方應選

莊履朋

湯顯祖

六

楓葉沾秋影涼蟬隱夕暉
梧雲初掩靄花雨欲霏
微嶺色隨行棹江光滿客衣
徘徊今夜月孤鶻正南飛

河林有酌

風亭移石竹爲客正開襟
宿鳥過殘雨吟蟲傷積陰
故人心不淺秋色夜方深
便合丘中去相招鳴一琴

送客歸岳州

楓隱號蟬急林開放鷓鴣
輕柳煙眠際穩江月醉餘
清夜色遙湘渚秋陰冷岳
城還憐洞庭水漁笛與歌聲

曾士鑑

游羅浮

石室春同入龍宮夜不眠
青天雙瀑下明月二樓懸
羽

蓋悲陳迹金書憶昔年相攜采芝叟勸酒鐵橋邊

陳邦訓

閣上

雲合沙頭樹人歸浦口煙空山喧宿鳥小閣俯長川
短宜殘暑歌長入遠天南風吹几席不飲亦陶然

唐文獻

登北固曉望

清晨凌曲磴一望攬雄圖天塹仍連楚雲帆半入吳
遠山籠日氣古寺隔煙蕪自覺登臨迴渾忘旅思孤

夜泊呂城

何處汀洲晚停橈信楫師雨餘霞散綺風靜柳垂絲
野

御選明詩

卷三

曾士鑑

陳邦訓

唐文獻

充

寺鐘聲後夜潮人語時勞勞遊子意隴笛不堪吹

楊道賓

梧江即事

春水萬山低江城宿霧迷征帆天上下去路粵東西
荒逕餘亭障樓船急鼓輦客心驚寂寞況復夜猿啼

別徐尉之任廣昌

遺愛苕溪上新綸楚水邊人疑徐孺子尉即漢神仙
柳色憐分袂春風動別筵當官三事在慎勿負先賢

全天敘

曉望

巖壑開新霽秋容倍可憐雲中聞水碓竹裏出廚煙
捷

鼠穿松徑飢烏啄芋田閔農知感激瘠土幸豐年

袁宗道

憇有斐亭

空亭堪徙倚一水帶疎林亂石含芳草危橋度遠岑野
垣還竹色淇澳尚泉音豈不懷君子高踪何處尋

讀小脩南游稿志喜

怪爾新詩好居然下里稀眉端滄海色江上白雲衣鼓
楫三湘去攜圖五嶽歸能令名利客一倍宦情微
亦有翻飛興茲遊未可攀所談客裏路是我夢中山弱
羽經年去孤鱗萬里還入春佳事少見爾一開顏

月下蕭允升顧開雍集小齋賦此

御選明詩

卷六

全天敘

袁宗道

袁宏道

二

偶集翻成樂幽花晚更妍近窗雲片薄過樹月光全小
築真同隱清酣也近禪莫愁沽酒盡囊內有餐錢

攜尊江上

郭外同君去清尊對水涯寒潮鳴草徑積雪晃平沙小
艇乘流急人家逐岸斜流連歸路晚高柳亂啼鴉

袁宏道

除夕觀諸公飲

翦却殘膏穗閑觀未了棋角杯窮酒事分帖記花時白
髮羞螺子青溪訪釣絲買椽新作笠江海任吾之

和散木韻

閑適也相宜楸枰徹暮棋晚花殘蓓蕾古榻亂裝池雲

脚纔收雨秋容漸上詩家家貯新釀等取菊開時

九月二日盛集諸公郊遊至二聖寺作

莎徑許誰通香寮紫翠中窗銜半嶺日院鎖一池風認
藥收花片闌題得草蟲玄言三五友小欲困支公

望淶蘿山有懷江淶蘿年兄

好在青谿曲巖花石乳新空閒流水引不見淶蘿人明
月層層岫烏紗面面塵十年求道侶能不憶山鄰

入桃花源

洞外一長揖人仙從此分看君如水影邀我似谿雲花
氣熏崖戶霞光繞茜裙往來江海上鸞鶴冀相聞

潞河舟中和小脩別詩次韻

御選明詩

卷上

袁宏道

三

小艇煙江雨長堤柿葉霜一洲魚子市千樹木奴鄉客
去尋空谷書來話酉陽繁華銷枕上家近呂仙堂

送洪子崖之歸化縣

小邑無官長登臨費履綦方言從事譯山景隸人知廨
舍巢鸚鵡鄉田貢荔枝嵐光侵簿牘長日但圍碁

夏日泛舟

泛泛鷓鴣近深深雀鷺聞空潭不受暑野竹半捎雲公
子收行蓋佳人曬舞裙垂楊亂荇藻日色冷紛紛

江上

白霧迷茫楚青流帶遠空沙平晴獻雪樹老夜屯風曠
野眠飢兕孤洲落晚鴻布帆如屋裏何處有城中

袁中道

柳浪館

過橋三五次門徑宛村莊曲水纏茅屋深楊護粉牆雨
煙荷葉淨風露稻花香未可全無事疏經也學忙

同龍君超諸公遊便河得橋字

率爾翻成樂裙簪藉小舫遠林纔出寺深柳欲藏橋明
月迎團扇流波洙素蕉偶來穿水曲咫尺便爲遙

江北道中

逢僧知寺近玩水愛溪遙戶戶尋蘆笋村村入柳條長
堤隨獨馬夜浦話雙樵數點澆花雨飛塵冷冷銷

賦得風林纖月落

御選明詩

卷三

袁中道

三

宿鳥棲枝定淒清趁晚涼深林生衆響密葉釀微光竹
露縈縈滴花渠澹澹香樓臺濃露裏薄雪在西廊

郢中遊春曲

春在畫橋頭殷紅照碧流幾回看去馬一笑蕩輕舟夜
月梨花夢春風燕子愁願爲原上草歲歲藉芳遊

美人臨鏡

薤葉依稀印香繩取次鬆睡眸猶少力酒暈不銷濃髻
就山爭出眉成月又重若非形與影未必肯相容

高梁橋

覓寺休辭遠逢僧不厭多一泓春水疾十里柳風和香
霧迷車騎花枝耀綺羅半生塵土胃滌浣賴清波

西遊

灣環窮野徑忽到水中央
唼雨魚兒集捎波燕子忙
馬來沙耀雪人坐草黏香
爲愛溪流急移尊向石梁

閑步

舟居翻愛步三里傍江斜
山雨猶藏樹溪風忽聚花
穿雲閑揀石折柳坐書沙
望望天桃色層城一片霞

訪蘇潛夫於小龍湖賦贈

畚土添花徑防湖漲柳渠
黃蘆親睡鴨碧水伴嬉魚
沼墨知臨帖松鱗驗著書
重追宗炳跡新築臥遊居

吳應賓

題張洪陽閑雲館

御選明詩

卷三

袁中道
李啟美

吳應賓
王士昌

三

賦就張平子飄然獨草亭
回環一水綠高下萬山青
避世曾金馬焚香對石屏
祇疑雲霧窟長護太玄經

王士昌

武陵縣

武陵城北道十里接平疇
沙際餘寒斂湖陰積氣浮
叢篁編作戶獨木刻爲舟
指點仙源近清溪分外幽

李啟美

送王則之假歸

千里一相送郊雲黯不飛
潼關何處是孤鴈獨西歸
柳暗秦川失天高隴樹微
如何向岐路春色正芳菲

王嘉謨

山中暮望

極目柴門下蕭條欲暮時
草寒千里白雲合數峯欹
遙辨郵亭火微聞樵客詞
年來車馬絕何用掃茅茨

自破寺至鷓鴣谷

躋險穿蒙密樵風去路長
杏花茅店冷柳絮野村香
長嘯忘幽寂尋真喜渺茫
迷途問何處乘月有歸航

雪後至香巖峴

獨自尋幽僻驕寒散暮陰
萬松殘雪淡一徑野雲深
坐愛麈麈迹堪憐漁釣心
山中香草落無復寄知音

沈瓚

靈谷寺晚歸

御選明詩

卷六上

王嘉謨

沈瓚

五

休沐乘時暇祇林向晚還
草深迷鹿砦雲暗掩松關
香氣諸天上春風御路間
黃塵看漸近身得幾時閑

江心寺

一點青黛色翳然雲水中
對江甌郡小夾岸海潮通
樓閣盤空際松蘿冒淺叢
薄遊吾已倦遂欲息微躬

雪後同李子憲陳子有何公露三曹長攜酌蓮
花菴得栖宇

疎林猶積雪曲巷復衝泥
閉戶一僧在當窗萬竹齊
山深雲更暝烏餒晝先栖
歸路逢新月纖纖映大隄

泛彭蠡湖

一片空濛色廬山東面天
曉帆初破影殘燒遠舍煙
北

匯江流小西來地脉偏無論襟帶勝心賞亦泠然

題卞山友人山居卷

早謝輶中貴遙追谷口蹤
飲瓢清澗落樵徑白雲封
立久因調鶴行遲爲聽松
弁山青不斷日日待支筇

角里四季山茶云是角里先生手植

空山思隱士名卉屬僧家
獨秀千年種常開四季花
亂懸藜杖火清映鶴頭砂
落日春波渺重重散彩霞

雙溪曉望

樓居無俗夢山曉不聞雞
日出鳥鳴竹霧開人渡溪
沙田秋稼曉野町宿雲低
欲卜誅茅處終焉共遯棲

徑山道中

御選明詩

卷三

沈瓚

三

山梁宜晚憩客杖倚崖松
兩邑中分界千盤始到峯
徑迴青嶂擁泉赴白雲春
不敢高吟句愁驚聽法龍

宿海會菴山樓菴在石梁之右

一雨千峯夕藤龕對佛燈
瀑流侵頰冷山翠入樓層
地似依空界僧多悟上乘
中宵清不寐遲曉欲重登

山中兩行夜宿民家

好鳥知農候嚶嚶灌木間
荒村無堠館樵斧出柴關
雨暗車前路雲埋屋後山
虛疑簷溜急溪水夜潺潺

立秋日送行

石頭城下路三面是長江
此地新秋色映君江上艤
涼風動衣袂飛雨灑船窗
無事嗟行役臨流倒玉缸

潘大復

同朱文寧庶常觀海

煙波杳無極縱目喜同君雲外千峯出潮平各浦分競
探蝴蝶窟驚起鷺鷥羣浮白宜茲地蕭蕭日就曛
江行阻風得來字

孤舟泊風雨日夜聽喧飀石燕排空至江豚鼓浪來人
家少煙火田畝半蒿萊愁緒那堪破呼童發舊醅

王一鳴

述懷寄達那太僕子愿先生

鵲山寒吹老鴈泊溟煙深杳杳登臨眼紛紛離合心報
書扶病寫好句背人吟亦有三臺酒秋軒想共斟

御選明詩

卷二十一

潘大復

王一鳴

徐燧

三

徐燧

春日雨中喜惟秦至

齋居耽闕寂猶厭麋鹿羣茶汲松泉煮香收桂屑焚避
人宜晝雨來客損春雲更喜連牀夜蕭蕭獨並君

秋日偶成

山翠夕陽天幽居息衆綠倦啼將暮鳥哀咽過秋蟬榻
靜喧松雨窗疎納竹煙微吟多信步行過蓼花邊

徐燧

送劉季德歸南海

相逢苦不早相送復沾衣愁見孤帆影遙于五嶺歸青
看海氣近白望瘴煙微家在羅浮下秋風獨掩扉

送林叔度之甬東

春深柳可攀送客出鄉關不灑故人淚恐傷遊子顏
潮聲兩浙水雲影四明山莫謂風塵隔相思魂夢間

送僧歸日本

故國滄溟遠鄉心島嶼孤緇衣曬若木白足踏寒蘆
海蜃噓香火驪龍覲念珠朝朝持誦處初日照跏趺

送人之燕

燕國八千里送君離恨增短衣黏雪片孤棹觸冰稜
夜鎖沙河柵寒光土屋燈故園稀釣侶秋浦掛魚罾

宿幼孺招隱樓

林壑鬱重重危闌俯萬松亂花穿暗水疎竹漏晴峯
遠

御選明詩

卷五

徐燭

三

火綠溪棹斜陽過嶺鐘招攜出蘿徑踏破白雲蹤

寓建陽福山寺

磴路層層入招提夾兩山柏侵陰殿綠苔繡古牆斑
細雨蟲聲碎微風蝶影閑五更鐘韻杳鄉夢屢催還

雙峯驛

暮色滿汀洲鳴蟬樹樹秋柝聲聞雉堞燈影辨漁舟
千澗通橋路雙峯夾驛樓流波與客意日夜兩悠悠

送人臨邊

征馬嘶長路西山日欲斜送君臨絕域萬里盡風沙
朔氣摧秋草邊霜慘暮笳懸知榆塞上定憶故園花

張文柱

窗中度落葉

裊裊回風下蕭蕭薄歲陰一山方隱几片雨自前林重
以輕霜色淒其入曲心高居尚搖落不敢更登臨

李鼎

寄題故園

三徑荒蕪久頻來入夢思空傳竹醉日不見柳眠時石
室藏雲滿山花帶露滋到家開北牖觸目是新詩

焦竑

題顧侯明月軒二首

卜築鳳城隈亭軒傍水開闢門明月下芳草故人來說
劍光生座彈碁霧濕苔忽聞雞唱動起舞思悠悠哉

御選明詩

卷五

張文柱

李鼎

焦竑

三

夜榻吟方穩春亭飲亦兼祗綠花泛泛翻愛月纖纖薄
露難過砌微雲不滿簾所歡時宴坐清影若為淹

雨花臺

南郭高臺迴乘春數散愁雨餘千嶂立樹杪一江流地
擁鶯花勝情兼水石幽角巾差自得端合老林丘

莫愁湖

水闊菰蒲淨城開睥睨斜懷人倚高閣落葉見平沙眉
黛餘山色鈿金但野花徘徊湖上月一倍惜春華

達摩洞

禪龕沿綠嶼石洞俯滄波風雨江聲壯魚龍夜氣多停
杯今日望飛錫向時過欲問西來意疎鐘度薜蘿

陶望齡

過何泰華園分韻

今日何園句能無憶少陵
迷人寄生酒匝地月支藤
蓮褪魚吹粉苔深石減稜
軒窗隨面面寒竹影層層

道上微雪

客子逐車輪相憐一水濱
凍雲圍野色細雪雜征塵
歷亂看愁思飄搖似此身
前村聊息馬寒入酒杯頻

次沙河

望望日將夕行行路轉賒
亂流寒渡馬深樹靜栖鴉
隔岸催漁艇尋村赴酒家
客身何所寄愁思正無涯

旅次憶越中舊居

御選明詩

卷十一

陶望齡

无

宴坐雲歸後開尊月上初
春衫裁越布晚食飽溪魚
白鶴仙人箭玄夷使者書
故鄉真可樂不是愛逃虛

送商叔護朱叔懋應試秣陵

仗劍他鄉意彈冠故友情
秋風待行客落日事孤征
尊酒遠相命寸心言未傾
思君似流水寄向石頭城

夜泊桃源

迢遞憐行役其如客思何
孤雲將短櫂十月渡黃河水
泊兼鷗宿霜清聽鴈過更
堪寒夜盡敲枕遠鐘多

塗中雜詩

驅馬遊京國思家動越吟
短檠時有夢孤劍自知心
驛樹寒煙晚官橋流水深
羈栖有朋好聊足慰離襟

一騎風塵裏千山縣郭東畏途逢落日別思對孤鴻仗策心逾遠談詩氣更雄驅馳丈夫事不必恨飄蓬

董其昌

送陸伯生歸吳

神臯落木後秋水灌河時鄉夢催游子川程訪檝師自憐玄尚白未遣素為緇等是清明路閑雲不可羈

望岱

百里看山眼迢遙岱色分應為天下雨不斷封中雲漢簡千秋祕秦松萬壑聞何當馳匹練高揖碧霞君

同唐元徵宮允游善權洞四首

神功開混沌水府巨氤氳峽隱將飛石巖垂欲隨雲龍

御選明詩

卷六

陶望齡

董其昌

三

堂陰壑迴鳥道亂泉分今日摩崖記知同藏史羣

西風撥雲盡萬象劃然殊地軸連離墨仙宮闕蕊珠微明天有漏大巧谷非愚為問探奇者曾逢石髓無

石徑幽無際金堂永不扃丹爐猶倚月仙掌故捫星駕鶴探雲笈燃犀遁水靈如聞淙響外歷歷詠黃庭

山霽氣初澄攀蘿下復登千峯攢積鐵百仞轟層冰濺雪疑廬阜隨花得武陵平生耽勝事選勝却輸僧

過高唐作

高唐齊右壤終古作津途山色猶銜岱雲容不是巫坡陀分麥隴閭井半桑榆歇馬斜陽裏應嗟霸氣徂

西陵秋渡

秋涉試褰裳風迴海氣涼濤飛鷗外雪林綴菊前黃司
馬游何倦鴟夷跡未荒山陰勞夢想遲晚得津梁

送穆仲裕

我去邯鄲道君爲吳會游能將五岳興更寫九歌愁山
水琴中賞煙雲杖底收歸裝餘一卷得似少文不

高攀龍

喜雨

六月早旣甚雨來亦不遲即看雲漠漠已覺黍離離興
劇惟需酒歡多且賦詩明朝應積水相與向東菑

馮從吾

戊申暮春講學太華山中

御選明詩

卷五

董其昌
林堯俞

高攀龍

馮從吾

五

嘉會來喬嶽良朋喜共游白雲時去住野鳥亦夷猶雨
霽千峰翠春深萬木稠山靈真有待吾道重千秋

林堯俞

夏日集高梁寺

一逕隔流水沿洄到寺門瓢分香積供榻借給孤園山
雨來花氣松風斷鳥言淹留未遽返暝色下高原

楓亭即事

落日楓亭驛秋風荔子園人煙山外盡漁榜夜深喧地
迴潮當寺僧閑月到門羣賢方豎義吾意已忘言

山行

肩輿纔出郭倚杖即看山霜葉暗樵路寒花悽客顏石

門通鶴柵松嶺入雲關去去紅塵隔鳴禽時往還

立秋

苦積連旬雨沉驚一葉秋亂雲低復合大火暗潛流商
意迴蘋末笳聲到枕頭寧須感搖落不斷是邊愁

送陳汝鑑大行入京

是日為三月三日集棠林曲水

共來修禊事及此送君行花雨林間散蘋風池上輕酒
攜何次道歌借米嘉榮解作陽關疊休賡第四聲

御選明詩卷第六十一

御選明詩

卷六十一

林堯俞

三

御選明詩卷第六十二目錄

五言律詩十三

陸彥章二首

黃輝二首

陳所蘊一首

朱家相一首

孫羽侯一首

吳正志五首

區大相十四首

鄭明選十三首

歸子慕一首

御選明詩

卷三

目錄

張民表二首

劉一焜一首

張五典一首

王愛一首

李本緯一首

陳懿典一首

李日華一首

謝肇淛二首

沈朝煥一首

王樂善一首

丁起潛一首

陳价夫一首

陳薦夫三首

丁肇亨一首

朱之蕃一首

湯賓尹二首

王維儉二首

王思任二首

呂大濩三首

米萬鍾一首

范允臨一首

沈琦一首

御選明詩

卷三

目錄

袁時選一首

曹學佺十二首

呂克孝二首

趙秉忠一首

顧起元二首

陳邦瞻三首

袁世振一首

董應舉一首

鄧漢二首

范鳳翼六首

吳文企二首

高出二首

何慶元二首

黃汝亨七首

張履正二首

阮自華二首

陳允升一首

王衡五首

熊明遇一首

公鷁七首

雷思霈一首

趙士諤一首

御選明詩

卷空

目錄

劉宗周二首

譚昌言一首

顧雲鴻二首

徐禎卿二首

張鷟三首

趙彥復一首

黃儒炳一首

沈珣一首

劉遵憲一首

閻世科一首

戴耆顯一首

楊鶴一首

孫承宗一首

戴九玄一首

李流芳二首

唐時升八首

婁堅四首

程嘉燧七首

戴灝一首

陳繼儒四首

成靖之一首

左光斗三首

御選明詩

卷三 目錄

馬德澧一首

錢文薦一首

傅振商二首

文翔鳳一首

鍾惺二首

譚元春二首

尹嘉賓一首

莊起元一首

王象春一首

馬之駿三首

御選明詩卷第六十二

五言律詩十三

陸彥章

新橋暫泊

徙倚新橋路，征人感滯留。
月明前島出，風定衆帆收。
華髮欺清鏡，黃花怯素秋。
平生求友志，到此信悠悠。

毘陵道中喜見惠山一名九龍山

名山隨處好，況復故園看。
紺宇藏丹葉，蒼厓漾碧瀾。
沙寒一鴈下，天闊九龍蟠。
勝具今慳在，虛疑說考槃。

黃輝

滴水巖

御選明詩

卷十三

陸彥章

黃輝

陳所蘊

一

細雨不妨遊，輕雲散若流。
馬蹄時帶水，蟲語似爭秋。
續騎方縈樹，前尊已入丘。
虛疑山路遠，半爲古碑留。

酌巖泉

石髓從君剖，何如玉乳香。
額珠光直射，膽鏡影橫張。
甘露霏龍沫，寒星散鵲漿。
一杯和笑酌，分得道人糧。

陳所蘊

得家報家園小山已成

小築堪招隱，新成曲水潄。
此時頻夢寐，何日遂登臨。
但有風塵色，空懸江海心。
故人相問訊，應笑未抽簪。

朱家相

送馮南雍量移德清尹

炎海憐孤憤臨溪喜量移才非黃綬吏望重白雲司柱
枻渺然去春江空所思雲霄飛鳥近遮莫數歸期

孫羽侯

春園雜詩

野曠炊煙迴江深宿霧重藥苗經雨長竹筍破苔封高
枕移清晝深杯到夕春柴門無過客病體得從容

吳正志

過虎丘普福寺次吳卿韻

劍池遊已倦更指虎溪東竹密安禪榻林深隱梵宮衣
珠非外得綺藻問誰工會得無生法孤雲湛碧空

西溪曉發

御選明詩

卷六十一

朱家相

孫羽侯

吳正志

二

棹出青溪口嵐煙片片開萬峯秋色早帶水曉涼來岸
遠青林斷風輕白鳥回夷猶隨所去只在碧雲隈

月夜獨步松間

靜夜林傳響幽人夢不成獨歌籬落下自愜薜蘿情芳
草連雲合寒烏帶鷺鷥棲遲明月曉心跡許雙清

署中憩峽江綠漪亭

行役還江縣孤亭覆綠陰濛濛時入想麋性乍投林魚
美初通市醪香夜獨斟殘霞照晴麓箕踞當登臨

眷此數竿竹因留半日綠池平新雨漲樹密片雲穿修
徑浮空翠積垣起暮煙清風吹入幕臨發尚貪眠

區大相

夏日同諸客泛舟青溪二首

錦席人須醉仙舟客共登年華各自惜意氣轉相矜瓶
水沉朱李溪花覆紫菱莫誇姑射雪吾有玉壺冰
卷幔千花暝回舟一水遙芳情瑤瑟怨別曲鳳笙調桂
苑通仙閣蘭房接畫橋倚歌待明月長笛不須邀

金陵城南宴

逸客東山至佳人南國多袖飛金谷舞梁繞石城歌壯
閣宜春入花蹊愛晚過留權方待月無遽動鳴珂

客中九日

細雨黃花節秋風竹葉杯異鄉誰送酒何處更登臺木
落江雲暮天寒塞鴈來惟憐三徑在歸去翦蒿萊

御選明詩

卷全

區大相

三

早春長安道上

雙闕麗朝霞千門競歲華苑雲微帶雪宮柳半藏鴉結
駟過平樂揚鞭赴狹斜春風纔幾日先發上林花

送胡孟弼之沅江

豫章人時
疏論邊事

浮湘明日事江畔暮行吟易動騷人怨難爲國士心秋
風吹芷岸落日滿楓林知有還家夢潯陽九派深

送張僕卿還桂林

還朝能幾日去國逼殘年別路春前酒離亭雪後天衡
陽隨鴈去湘浦問歸船未是投閑日東山臥莫堅

朝陵遇雨

言避嶠陵雨翻行大壑雲微風清樹氣積潤洗山文銀

海春波闊龍池細澗分九陵松柏路香靄日氤氳

游宗謙老年出塞壯之

嗟君垂老日策馬薊門東易酒顏猶壯燕歌氣尚雄
敝裘經積雪頽鬚逐秋蓬寄謝行間客無輕塞上翁

晚霽玉峽驛望玉笥山

峽東江流窄山欹堞影低玉梁沉宿霧金澗落晴霓
水鳥窺魚下林猿摘果啼靈峰不可到矯首問丹梯

秋日還山

村邊黃葉路溪上白雲岑草屋山家淺松門野寺深
羣魚依密藻獨鶴返高林若問還山事多應負此心

於曲江逢高正甫奉使南還

御選明詩

卷三

區大相

四

相逢一杯酒與子暫綢繆以我北來信附君南下舟
鄉心滄海上客淚曲江頭為問垂槎使何時到廣州

東林寺

昔讀高僧傳兼懷逸士蹤停車虎溪水對面香爐峯
舊殿丹青落荒池蔓草茸我來松下坐日暮但聞鐘

夜坐

夜坐不覺久庭烏棲復啼燈前下黃葉井上鳴莎雞
漏靜風聲細帷空月影低城南有思婦幽夢越遼西

鄭明選

與楊二叔純

許子南昌去王孫嶧縣遊舊交如雨散春水滿城流不

見江邊閣徒懷雪裏舟故鄉惟汝在莫惜屢相求

雪不止復作

大路倉橋口貧家雪水灣寒雲常滿郭春雪不離山夾
雨琤琤下隨風款款還逡巡小僮僕擁袖出柴關

初冬

數日風纔罷初冬水始冰門寒朝嬾出山近午還登密
竹藏斑雉枯松下黑鷹千村穡事早生計稍堪憑

暫移山居

春晚營蠶事移居郭外村白花低覆水翠竹遠侵門拂
几開殘帙攜鉏理廢園鄰人儻相訪薄與酌清尊

恭閱天壇

御選明詩

卷三

鄭明選

五

圓丘圓殿外清晝日沉沉玉陛春沙暖瑤壇古樹深太
微瞻帝座大享見王心想像鈞天曲輕風落妙音

野望懷王時立朱大復

驛外晴江白洲前夏木青過橋風細細立馬水泠泠岸
柳鳴鶻鷓汀花臥鵲鷓歌成也自愛難得故人聽

邳州晚泊

日落留侯廟春深呂布城殘花晴抱蝶細柳暗啼鶯漸
集河船密遙生野燒明客愁無可慰膝上一經橫

傷春

野漲村村水山城日日風雨深荒縣裏春盡訟庭中朋
輩他鄉異鷺花往歲同牀頭十年酒未有一尊空

官舍晚酌

百里山圍縣雙江水對門日斜初解帶秋爽一開尊家
遠思親舊官貧任子孫醉看青竹淨纖月照黃昏

鄭州即事

滿目皆湖水家家傍水居地貧村少米冰闊市無魚樹
入天雄小雲飄泳鹿虛風塵半萬里消息故鄉疎

遊獻花巖

融公昔悟道留此獻花巖野寺人初識山花鳥舊銜洞
門無日月石縫有松杉東北清江闊微茫萬里帆

朝天宮登白鶴樓

紫府深通徑丹梯半入雲樓飛三百尺門鎖五千文郭

御選明詩

卷三

鄭明選

歸子慕

六

外吳山盡窗中楚樹分游仙今夜夢親謁武夷君

幽趣

但見滄洲趣清溪對竹扉窗陰懸薜荔水色受薔薇村
鴨迎船浴山蟲冒雨飛田家蠶已老日暮翦桑歸

歸子慕

春日過荻秋菴

迥絕幽栖處何當春日過花開當午足蜂過短牆多清
世義皇夢滄浪孺子歌同心吾輩在天壤樂如何

張民表

陳古白

文傳江左秀情見宋中書隔面雲千嶂愁心髮一梳良

圖襄野牧活計穎濱漁儻欲枉相訪嵇康候呂車

汪明生

燕市住西菴重來續一談煎茶移竹火煮粥漬魚泔日
月顛毛記風霜足繭諳傳聞東郡旱何以慰如憐

劉一焜

寄題金山寺

長江流日夜縹緲一峯殊落景疑飛動盤根定有無雲
端清磬濕樹杪聖燈孤幾見登臨客扁舟下五湖

張五典

送喬傲我

長路天涯外驅車背朔風三秋驚別鶴千里慕征鴻尊

御選明詩

卷空

張民表
王愛

劉一焜
李本緯

張五典

七

酒荒城外關山落照中前程行色晚裘馬自匆匆

王愛

縣山道中

昔賢棲隱地兩僻盡高山入夏風應凜經春花未斑煙
猶遺俗禁廟許妬人還平定州孃子關有妬女祠唐
李諱作頌傳是介之推姊立馬看唐

碣神林不可攀

神林大樹腹中有
郭令公碑禁樵採

李本緯

登張掖甘泉樓

乍別酒泉郡來登張掖樓關雲排檻入塞水背城流夜
湧陂塘月寒生草樹秋凭高聽不盡羌管數聲愁

陳懿典

李公巽招飲柰子花下

淑景春城暮聯鑣韋曲來共尋金谷墅同泛竹林杯縹
夜分穠李生香喻早梅不愁風雨至只恐暝鐘催

李日華

石佛寺冰鑑房

秋來風日好瀟灑放輕舸僧院房房竹沙村處處橋清
吟黃葉句雅坐白雲寮妙悟仍相許時煩惠遠招

謝肇淛

賦得新柳送別

短岸復長堤黃輕綠未齊曉風吹不定春雪壓常低草
細偏相妬鶯嬌未敢啼年芳君莫問日落灞陵西

御選明詩

卷三

陳懿典

李日華

謝肇淛

八

谷里

谷里三家市仍爲暴雨淹逢人無漢語入饌有戎鹽溪
釣青鱗小村沽白釀甜亂峰相對晚空翠滿茅檐

沈朝煥

立秋夜不寐

雨深催病葉不獨井梧飛候到蟲先覺燈寒燼漸微感
時難穩臥未老漸知非枕上驚秋信明朝換客衣

王樂善

五渠晚渡

野潦浮平楚扁舟續馬蹄揚舲風漸緊落日望全迷林
暝漁燈出天空鴈陣低叩舷歸意嬾清興屬幽棲

丁起潛

良鄉夜宿

古驛一燈深蕭蕭車馬臨薄寒添暝色入夜動鄉心戒
寢預愁夢喜晴翻量陰首塗才此夕忽漫話家林

陳价夫

宿海邊山店

草舍依荒驛孤村背夕陽海雲秋漠漠山靄夜蒼蒼木
客歌奮月鮫人泣岸霜誰能當此地高枕不思鄉

陳薦夫

過鄭二允忠所居

憐君猶寂寞一室冶城西徑路無人到蓬蒿與客齊雨

御選明詩

卷三

丁起潛

陳价夫

陳薦夫

九

明蟲網線風落燕巢泥惟有方牀上書籤日改題

送王震父之臨邛省兄

共是悲秋日那堪此別君流澌巴水雪積雨劒門雲鳥
道何時絕猿聲不可聞遙知春草夢夜夜慰離羣

中秋同林仲復泛月溪上

十里澄溪上浴迴看月光棹輕天弄影杯冷雪生香秋
序行過半良宵澹未央莫辭餘興發微白在東方

丁肇亨

冬日與同寅謝午雲張四愚蜀僧常伯遊華嚴
寺登巢松亭

寺杳不聞鐘林端翠幾重登臨饒曲徑坐對有高峯說

劍情方洽談禪興未慵憑闌一眺遠落日映蒼松

朱之蕃

和周吉甫春日移居

身健當何患尊盈不計貧古今成過客風月屬閑人但
許橫飛斝休論倒著巾謾憐同調病吾亦任吾真

湯賓尹

舟宿

多難棲江上謀身愧不工天河容永夜野樹易高風漁
板時窺白螢燈小放紅一年秋思急催落布帆中

南湖

南湖湖影闊霜樹遠微茫噪水鳧頭壯牽舟草尾長晚

御選明詩

卷五

丁肇亨

朱之蕃

湯賓尹

十

山煙後翠初月日邊黃飄泊知予事翻愁近故鄉

王維儉

集岩亭王孫東墅

小妓官羅窄名花綺幕張晴絲牽酒盞飛絮戀箏牀改
席臨階碧登臺望野蒼芙蓉處處是乞取緝秋裳

秋日過陳見心給諫南園

徘徊臺上望秋色已蒼蒼孤戍還吹月千林乍啗霜倚
城成虎落截水作魚梁咫尺吾園接相期瑤草芳

王思任

豆店

朦朧二三里海氣發天青飽馬衝寒色殘雞落曉星春

鋤人漸出野火店猶熒斷續霜橋上流澌瑟瑟聽

宿天界寺

古寺白門邊寒風逗石煙松篁無俗徑鐘磬有諸天歲
晚難為客官閑易入禪燈殘僧別去清夢竹相憐

呂大漢

百家巖寺

名利藏丹壑春遊訪道林禪居深洞寂僧梵半天音古
篆迷蒼蘚幽泉咽翠岑却憐歸路晚猶未愜登臨

經藥城

行人問井邑古跡自春秋祠宇仍藥氏風煙接趙州清
霜侵病骨遠樹動鄉愁十載曾偕計今來憶舊遊

御選明詩

卷空

王思任
范允臨

呂大漢

米萬鍾

十一

內丘道中晚行

暝色沉寒景愁人苦夜征林煙空際合野燒暗中明殘
月孤槎影寥天一鴈聲遙遙聞吠犬髣髴近孤城

米萬鍾

新秋泛清溪

共客邀新爽迴舟刺晚風涼生思越苧病起訝燕鴻星
櫂搖虛白漁燈簇小紅怪來蕭颯早衰草怨吳宮

范允臨

題雲聲菴

結草去孤城湖村對眼明敝衣裁野色清磬出雲聲灑
墨驚蛇走談經任鳥聽翻嫌賦招隱人世近知名

沈琦

別家次諸兄弟韻

握手他鄉路回頭故國城漸驚親舍遠真覺一官輕急
權隨雲影悲笳雜鴈聲無情東水去相對亦淒清

袁時選

新興道中

偏側新興路透迤迤傷水隈萬山迎馬合片雨逐人來村
犢騎偏穩江鷗下不猜頻年牽物役延眺亦悠哉

曹學佺

署中對月

客邸當良夜觀空在一庭月為片水白雲作斷崖青砌

御選明詩

卷全

沈琦

袁時選

曹學佺

十一

合叢邊露牆過竹裏螢北窗時偃臥風起自泠泠

臘月朔日聖果寺訪戒山上人

客裏嘉平始山中歲序殘樹呈羣石巧花雨一江寒明
月臨禪壑清霜覆戒壇應知西向笑不是為長安

夜登石鐘山

湖口行人曠山門入樹幽鐘鳴片石夜月滿九江秋洞
裏懸漁網巖前過客舟醉歌仍未已清露濕滄洲

泊舟大湘

停棹投漁火人煙自一區遠行銜月淺隔水度螢孤夕
露無聲墜寒猿有淚呼臨流歸夢促安得涉江湖

歲暮送鄭知事之蜀

暫爾仍歸去征衣未拭塵蠶叢行候火猿峽過沾巾祿
薄奴從嬾官閑吏苦貧西風吹短鬢又逐歲華新

詠墨紗燈

質裂橫疑水光生薄似苔憑將綵筆畫認作剪刀裁鳥
向空中度花從鏡裏開細看若無力不畏曉風催

再送宣仲

此時君定發安得復蹉跎鴈信南來少鷗羣北去多芳
洲雖可涉寒月竟誰過餘興乘冬暖江行踏淺莎

遊楊氏園

苔深知石古竹長見牆低積翠沈波底斜陽到岸西搜
花成小汎摘葉任分題何日漁樵老能容此地栖

御選明詩

卷六

曹學佺

三

初十夜月

月色輕雲裏秋聲細雨邊經旬移節候灑暝作涼天鳥
宿明河斷蛩吟古塞連予心耽寂寞耿耿不成眠

得張林宗書

三秋望不見此日寄來書簡略無餘字蕭條慰索居何
嫌知我少惟恨與君疎安得秦淮水能通浪蕩渠

歸宗巖道中

輿步行相半山迴徑轉幽野亭漁並席官渡馬同舟樹
古根盤道橋崩石咽流日斜人境寂谷鳥轉啾啾

支機石

一片支機石傳來牛女津客槎何處所卜肆已生塵較

似昆池古長從漢月新每逢秋夕裏吟眺倍相親

呂克孝

青谿菴

江令何年宅風流不可招荒煙迷斷礎陳迹寄空寮日
影移雙樹谿聲自六朝遙分鍾阜影紫翠落層霄

棲霞寺

宅記明僧紹碑傳江總持淒涼自人代窈窕隱山茨明
月千巖宿松風萬壑垂階前雙杏樹曾見劫灰時

趙秉忠

送張水部南歸

平子歸田去山川賦舊游遺榮纔北闕高興已南州鱸

御選明詩

卷十一

呂克孝

趙秉忠

顧起元

十四

鱸三江月菰蒲五月秋襟期知曠達尊酒寫離憂

顧起元

黃河

河水南浮泗漕渠北注燕衆心憂璧馬天意護樓船龍
首疏秦日鴻陂復漢年園陵看王氣松柏正蒼然

彭城

九日彭城道高天白鴈來但聞楓葉下不見菊花開風
起橫蛇澤雲橫戲馬臺江關何處所一望一徘徊

陳邦瞻

七夕

歲時還七夕風俗更杭州聞道湖船女爭歸乞巧樓輕

雲籠月度疎樹帶星流不有乘槎客憑誰識斗牛

久雨

久雨牆苔積濃陰苑樹遮席門寒下雀萬徑曲藏蛇浦
水連街闊江潮帶閣斜誰憐都會地卑濕似長沙

辛丑之秋自留署乞假歸省沿途觸景輒成

水次兼山次昏星復曉星古城巢父廟仙跡呂公亭日
落山光白雲流石氣青橫塘秋浪闊鷗鳥自冥冥

袁世振

獨酌

山晚一燈永窗虛萬籟深持杯欣有影入道苦爲心浙
浙風來座遙遙月轉林不知今夜夢何以散幽襟

御選明詩

卷五

陳邦瞻

袁世振

董應舉

五

董應舉

西山來青軒對月

地白鐘聲寂山秋夜色多倚闌成雪界按戶即天河野
氣沈平楚池光轉碧蘿忽聞清籟發淒絕獨如何

鄧漢

閑居

敬通歸里日彭澤去官辰酒熟邀田父花時對孺人素
琴橫竹几藜杖挂山中在世無明略猶堪傳隱淪

漫興

夜色人初定花香牖暗通蒲團清課後紈扇豔歌中掩
卷思寒素挑燈看女紅癡兒不解事頭困觸屏風

范鳳翼

水閣

涼颺動水閣卷幔坐能幽竹嶼連朝雨荷池三伏秋茶
聲入高枕花氣上層樓鎮日無人到凭闌數白鷗

夏日李後岡先生五柳園讌集

三徑何幽勝居然陶令家涼風鳴豆葉疎雨落桐花虛
院疑秋早深林信日斜最憐塵事隔心賞足煙霞

金山對月同王伯舉給諫賦

崖月窺殘酌天風吹短衣山從墟界立潮曳海雲歸行
嶼傳清梵松房占翠微已拚逃世鞅江上理魚磯

湖上晚坐同貞父作

御選明詩

卷三

范鳳翼

六

花宮連後院草閣俯前川宿雨涼猶在孤雲澹可憐林
疎偏受月湖闊欲吞天坐覺囂塵靜臨風意灑然

秋夜集王氏水亭

小院秋容澹長河晚色涼碁聲花外落酒氣月中香作
客生塵事離家覓睡方良宵那可負鼓枻弄滄浪

暮鴉

隋柳寒鴉散南飛三兩羣爭巢愁落日反哺逐歸雲度
嶺聯還斷搶風聚更分城頭霜月苦啞啞不堪聞

吳文企

題資福寺同寮友作

行到寺邊寺坐看山外山講堂分戶牖野席對溪灣暗

水香廚引高雲絕頂還茶瓜深話久欲起更牽攀

登定海八面樓望海

便欲乘潮去登臨小白華憑誰辨灰劫無術筭河沙開
士元居海仙姑舊姓麻蓬萊幾清淺好問蔡經家

高出

洛中感秋

紅樹邛山路西風颯已驚東京有遺事游客不勝情金
谷銅駝地周公召伯城二毛動秋興三十豈成名

荅贈劉載甫比部言別

五月江流漲家人苦鬱蒸把君贈佳句忽似踏層冰為
別亦常事忘情終不能漸深交態後知已感偏增

御選明詩

卷十一

吳文企
黃汝亨

高出

何慶元

十七

何慶元

新浴夜坐

殘暑渾無賴炎炎赤日懸裸宜新浴後涼愛晚風前團
扇蒲葵歇方牀莞蕝便明河想清淺烏鵲易教填

雨霽

積雨晨初霽歸心客轉多薄雲天縹緲深淖馬如何秋
水發新漲孤帆揚遠波柴扉休更掩或者翻車過

黃汝亨

宿碧雲寺

石徑餘清靄琳宮護翠微孤亭秋月下半榻暮雲歸桂
馥林間集泉聲竹裏飛安禪吾亦適虛白坐相依

新嘉驛亭

結陰深驛舍即與世喧分小澗偏沈日孤亭亦貯雲藤
蘿秋興寂林響暮還聞不覺移時坐銜杯半入醺

徑山看竹

竹色自可愛無如此徑深千秋寒玉立萬畝綠雲沈遠
竇窺天入清光覆地陰泠泠秋響切到處奏嵇琴

朝發彭城北看雲

荒城初日上廣野晚雲平近樹綠全沒遠峯青半明非
煙容若縮未雨意偏盈一望真無限漫漫何處生

新安山中

行行山不盡冉冉日何遲泉響遞松澗花香散竹籬晚

御選明詩

卷全

黃汝亨

張履正

六

風樵子徑落照酒家旗草屋煙林裏遙思借一枝

翠微庵

山曲多精舍宜人獨翠微澗深流作枕雲冷石爲衣坐
擁一峯紫杯邀片月輝不須留客憩自可憺忘歸

晚晴天闕坐眺

絕頂聯趺坐劃然天闕開雲光羣岫擁雨氣大江迴樹
杪分餘照衣裾點濕苔歸來松下宿禪誦暮鐘催

張履正

送張二府擢太平守

南粵羈縻地旌旄漢守行解維春浪闊到日夏雲生風
掃蠻天瘴威傳遠徼名聖君應有意賴爾作長城

送別夏京兆

如何夏京兆宦况獨蕭然雞肋君寧戀羊腸我自憐煙
花洞庭路風雨石城船分手從茲地相逢何處天

阮自華

九日送章十

秋老空原寂孤踪去轉深欲霜蒲柳色落日大江陰征
鳥若為疾浮雲如有心蕭條行萬里何處問知音

歸路

歸路數千里斜陽咫尺間角聲斷城堞離恨起鄉關宿
鳥先人入江流背客還月中聽砧杵游子復何顏

陳允升

御選明詩

卷三

張履正
王衡

阮自華 陳允升

九

秋日苦雨

秋水漸浮隄青禾白鷺棲祝篲空有意抱甕已無畦蛩
欲依人訴鳩偏逐婦啼不堪翹首望天際濕雲低

王衡

遊金山

日高京口渡遙值定鐘時煙雨寺幾點江山天四垂沙
晴羣市合鷗入亂帆疑數盡東歸浪滔滔未可期

三月五日偶步至象所遇杏花因與帥敬醉花

下賦得四首

錄二首

草掩閑庭久徒行亦偶然為貪楊柳色忽到杏花前珠
勒分弓影春衫倚酒船都緣無底興隨意遶牆眠

蕊氣通香象花光接苑牆輕霞薄春浪舞雪受初暘醉
面頻生暈新姿未解妝好將門外柳吹入兩三行

雨中徐州道上

鄉山看眼愁向暮山生驛舍清明兩人煙芒碭城花
飛急流盡雲起大河平一路茫茫白歸心亂旅程

十月

此日田功晏未誅冬月茅雨收紅豆莢霜老木棉苞地
薄秋畦苦官新雜稅交君看窮鳥至歲暮亦登庖

熊明遇

竹里

竹里零西宅城南古豫章水田春浸綠雲樹晚拖黃菊

御選明詩

卷六三

王衡

熊明遇

公鶴

二十

圃兼書圃農莊帶墨莊求羊來曳履吾與詠滄浪

公鶴

出戒壇北行崑羅山道遇雨小憩村家

路轉瑤壇背陰崖石更奇前峯堆冒絮過雨颺游絲暫
問油囊酒旋鋪馬鬣棋

麻姑至蔡經家酒盡就餘枕姥酷得油囊酒王積薪好甚常繫蒼馬驢上遇匹夫亦與對奕

却因爭席處轉畏野人知

濟河道中

汶水南通楚清河北帶齊故山雲淄淄長路草萋萋野
曠秋天闊峯高夕日低前村疑漸近轉盼暝煙迷

穆陵關

昔日齊侯履南疆盡此封諸山沂作鎮五岳岱為宗

沂山

亦名東泰山 霸國猶餘業重關識舊蹤故園相去近回首海雲重

棲霞邠都宮丘長春成道處

乘槎涉弱水陟降迄仙都石室誰開闢丹臺跡有無十洲為近地五岳識真圖坐聽鸞笙晚勞峯天外孤

南竺感舊

鐘磬重巖裏楸梧亂石間水窮仍見水山近却無山感慨因懷舊淹留為愛閑自嗟塵網繫雖倦不知還

過蒙陰舊城山家留飲

故堞依山麓相傳漢舊城桑麻千畝遍梧竹一村平客醉遲歸意來希重別情出門逢野老重與話躬耕

御選明詩

卷五

公籍

雷思霈

趙士諤

三

梁臺遇雨

不見梁臺月孤亭暮雨昏感時思艮嶽懷古問夸門苑竹龍鍾發宮槐兔目存星軺疎應接白鳥對開尊

雷思霈

鴈至

去燕新辭主來鴻舊作賓江空今夜月家遠隔年身結伴多依水將書只寫人如何白翎雀歲歲北山春

趙士諤

送周蓼洲吏部

久繫中朝望嘉招慰物情不誇津地重獨喜市門清是處成蹊徑憑誰秉國成渙羣今日事行矣慎持衡

劉宗周

入雲門

緩步通樵徑雲低罽籜冠小尋溪磴坐又過竹樓看蕉
鹿雙心化漁磯一水寒薄遊從此發前路正漫漫

遊天衣寺

漸覺溪聲杳山深古木稀爛柯無客到飛錫有僧歸
寶蓋臨丹闕蓮花傍紫薇祇疑諸祖後此地說傳衣

譚昌言

贈吳興蔡叟

先生無俗侶野鶴與同羣奕對包山橘書開石室芸
白蘋雙漿渡紅葉五亭分高隱看誰似將無鄭巨君

御選明詩

卷十一

劉宗周

徐禎稷

譚昌言

顧雲鴻

主

顧雲鴻

登拂水巖

一杖入叢菁春泉處處生巖侵湖墅近崖豁海門平
雲徑分樵出風林帶鳥傾盤回千嶂盡下界一雞鳴

還山

柴門一以杜勝事日相因移竹聽初雨披花出故人
石衣行地古野語隔牆新忽笑朝來夢風塵易水濱

徐禎稷

澱湖

雪浪堆三泖風帆挂澱湖斷雲收雨淨高樹入秋孤
暮色諸峯碧寒聲入鴈呼滄浪歌罷去漁父定吾徒

閑居

青鬢賦歸來湖山氣色開
抱書消日月謝客長蒿萊
貧固吾家事迂非世路才
風期上千載菊徑有深杯

張鷟

清音閣同平仲夜話

平子吾宗望相逢此地遊
湖山同是客雲物已先秋
北嶺看松路西溪聽雨舟
眼中惟爾我沉醉坐江頭

題山居二律

卜築成小隱深山靜掩扉
嵐光下疎竹石蘚上苔磯
春谷樵雲暗寒溪漁月微
坐看天漠漠白鷺自雙飛

吾廬真可愛一事不相關
繞屋幾灣水當窗一面山
梨

御選明詩

卷五

徐禎稷
黃儒炳

張鷟

趙彥復

五

香飄澗雪藤影帶花殷
是處渾無語高吟意獨閑

趙彥復

雨

高雲不可即飛雨作泥塗
多難詩篇減新涼病骨蘇
貧仍雞鶩食愚任馬牛呼
往事庸堪問空嗟白日徂

黃儒炳

經始興江口

三楓亭下路不盡瘴雲鄉
亂石千峯落斜階一水長
樓船通漢將鏡吹發陳王
往事東流盡棲鴉遍夕陽

沈珣

春日懷長兄在燕

聞道幽燕地蕭條異故鄉沙昏天欲黑春半草猶黃馬
足衝霜冷鴻聲聽夜長今宵千里月飛夢舊池塘

劉遵憲

寄書兒曹修葺山居

自悔出山誤由來歸夢頻每看客邸月偏憶故園春鳴
鳥驚時變荒叢著雨新可憐湖石畔只少白頭人

閻世科

楞伽臺

垂老投簪穩憑高對酒閑江風梳白髮海霧翳青山目
極秋天遠身依暮鳥還禹功遺跡在千載喜追攀

戴耆顯

御選明詩

卷全

沈洵

劉遵憲

閻世科

五

南旺湖

古為陸地
云即大野

異代南湖水猶存大野名秋風一夕至蘆荻有餘清蕩
漾浮堤淨微茫入檻明時時陰雨裏髣髴魯諸城

楊鶴

舟過君山遇雨

湖雲一片黑雨脚東南來杳靄君山雪空濛帝子臺清
猿啼樹暝白鳥破煙迴忽憶湘靈瑟因之楚客哀

孫承宗

幕客云日為驚蟄節愀然有作

誰負旋乾手當春起蟄蟲魚龍驚寂寞天地喜昭融瑾
戶身方遠昂霄意已雄俗聾誰與破予欲問豐霽

戴九玄

十三夜張元逸招同上慶先生胡實美士吉二
兒看月分得攜字

露下月淒淒風林驚鳥棲賦詩長過從沽酒即招攜戎
角三更怨城砧萬戶啼清光何處好却在曲闌西

李流芳

贈別洞庭葛實甫

我懷洞庭月欲醉莫釐峯幽意久不愜高人今乍逢新
詩正堪把歸櫂阻相從却羨秋山下丹黃已萬重

黃河夜泊

明月黃河夜寒沙似戰場奔流聒地響平野到天荒吳

御選明詩

卷三

戴九玄

李流芳

唐時升

三五

會日以遠燕臺路正長男兒久爲客不辨是他鄉

唐時升

秋雨過徐爾常園再宿海曙樓

晶晶波煙闊陰陰竹樹寒庖人扇鮭脯小史篋衣冠欲
別頻爲約斯遊豈意闌秋風吹早桂未覺後期難

過鄧尉山下

桑柘陰陰徑蠶眠晝掩門薄雲含古寺微雨入前村曲
澗通秧水疎籬護果園隔林方問路無奈鳥聲喧

太原公東園

累日厭人事殘春憐物華壺觴來別墅菜麥散晴沙鳥
語對橋竹魚銜臨水花老思棲隱處真欲問東家

冉冉野花落悠悠溪水香古藤緣樹立新竹共人長宿
燕驚棋去遊蜂趁酒忙流連待明月清露濕衣裳

再過東園

春暮意無賴轉憐新綠叢竹陰長欲雨花氣不因風臥
看營巢鳥行逢結網蟲櫻桃三月盡滴滴欲舒紅
知是午潮落小谿鳴咽流綠蘿留薄暮紅葉報深秋新
月遠林角夕陽高樹頭平生丘壑意一到一消憂

秋日與吳東美盧君一過時聖昭

榆柳陰陰處中藏五畝園白蘋生廢沼黃葉覆衡門臥
犬憑人過鳴禽亂客言幽居太寥寂宜且置琴尊

宿直塘

御選明詩

卷三

唐時升 婁堅

三

雨後稻梁好霜前魚蟹饒密藤全隱壁枯柳臥成橋樹
裏方爲市籬間暗上潮田家秋作罷燈火各相邀

婁堅

秦淮贈孫士徵

別君羣從後每憶半酣時曲折拈新令輕狂贈小詞垂
楊紅蓼間淺黛玉顏宜復已三年別能無感鬢絲

仲和水亭遣興

水亭春欲暮衰懶向來同照眼梨花雪吹衣楊柳風獨
殘紅颭颭尚淺碧叢叢檻外方塘漲游魚自鏡中

課子

鏡裏顏添老塵中慮漸輕青袍寧再誤綠酒尚關情抱

甕慵朝汲荷蓑難雨耕詩書仍課子吾計且儒生

荅葛實甫

雨雪度春分鱸香寂自焚衝泥來好客促膝把新文霜
橘留餘綠晴湖蹴細紋清音箇中得但許解人聞

程嘉燧

四明徐匯陽莊太峯余泰靈秋盡先後言別

相逢多別酒歸路欲何之江水曹娥廟湖山賀監祠鄉
愁兼雨重旅望入秋悲儻憶江東侶論文復幾時

雨中太倉津亭別子柔泊舟崑山

海近雨冥冥分攜愴驛亭朋情春更覺酒氣別能醒潮
滿炊煙白山移睥睨青還鄉無限意寂寞向郊坰

御選明詩

卷三

婁壑

程嘉燧

三七

石岡園雜詩二首

出郭不知遠沿林新筍成柳橋塵乍染枳徑雪初明客
到山雲起魚跳春水生巖扉對軒敞遙識讀書聲

雨餘來谷口春草被山長不識澗花落惟聞潭水香聽
鶯遷密樹憎鵲踏新篁欲就谿山閣明燈掃一牀

孫士徵甘露僧房話舊

雪中分手地亦在暮江邊栖泊長如此心期共渺然落
帆千步柳到寺一聲蟬爲掃清谿石還家與醉眠

雨中宿受之館惜別

別館風花急停舟問數移莫辭經夜宿已值暮春時身
遠歸難定家貧出每遲消魂南浦上不覺淚如絲

平望阻風

驛路連吳近鄉音帶越稀寒流捎宿舸夕浪急風靡旁
市求魚入鄰舟得酒歸微微掩明燭伏枕念無衣

戴灝

宿僧院

共宿高僧院深杯賦茗柯鐘聲沉遠樹鴈影度秋河近
海金風早安禪白法多上方今夜月猶向斷橋過

陳繼儒

寄王辰玉

明月在高樹遶庭歌考槃谷風自容與古調太清寒念
子令人遠勞心及夜闌平生不識路何以夢長安

御選明詩

卷三

程嘉燧

戴灝

陳繼儒

三

題君策畸野二首

羨爾樂閑曠十年營一丘貧能買奇石老即臥滄洲亭
界羣峯影池涵萬竹秋憑高思縱目煙際起層樓

幽人開徑後卷石化名山巖戶轉如畫雲谿不記灣簾
疎花窈窕松冷鶴高閑祇是詩僧至先生一啟關

落梅

春色未曾半羅浮夢已空玉鱗飛寂寂翠羽怨匆匆雪
打窗前月香消笛裏風逡巡尋一醉驢背有詩翁

成靖之

送劉紫芝南還

遠別人情惜君歸更若何匡時憐道直涉世患才多路

柳催春去江風拂櫂過還應逢雨露且莫怨蹉跎

左光斗

雪霽道中口號二首

出郭舒新望塞帷對夕暉濕雲留野樹晴雪照寒衣臘
近梅爭放春生柳欲歸何如田父適高日掩柴扉
已霽天猶雪離離樹欲低寒暄衆壑異向背一溪迷凍
犬迎人靜飢鳥下食齊攜牛村父老曝背近牆西

送友人

可惜春明道春光二月間故人何事別行色有餘閑言
上五臺去經游二寶山何如僧結侶獨往悵難還

馬德澧

御選明詩

卷三

成靖之

左光斗

馬德澧

元

曹園讌集

名園成勝引畫榼出疎籬不厭杯頻勸何妨席屢移暮
煙停客擢宿雨亞花枝興劇忘歸去娑拖月上時

錢文薦

山居雜興

自掃閑房臥能令俗慮輕披簾邀乳燕挈榼赴遷鶯海
味梅魚滑山毛竹笋清湖天思蕩槩恰喜報新晴

傅振商

春夕獨坐

野色依簾重芳林定暮鴉孤燈清古驛明月媚新花流
水幽村靜歌樵小徑斜客情正望遠何處更鳴笳

園居

不是夔龍侶偏宜鹿豕羣自題招隱字誰續絕交文
鑿壁來山雨編籬帶野雲還思接輿子遺世不如君

文翔鳳

行至樞澗

風向馬蹄鳴炎天灑汗行地浮煙樹闊衣挂晚霞明
禁酒緣多病投驂怯遠程鳥啼如戀客恰恰和溪聲

鍾惺

暫霽

重陽無不雨況作蜀山行已歷諸峯險剛逢半日晴
峽寒偏著色江晚自多聲雖復終陰暄心魂亦暫清

御選明詩

卷三

傳振商

文翔鳳

鍾惺

三

沈雨若自常熟過訪時喜得受之書

見君疑舊識不必故人書所念久離別欣聞近起居
朋來鴻鴈後雨止菊花初得問虞山樹寒紅三月如

譚元春

同李長蘅尋聞子將龍井山齋二首

楓色紅難已黃從翠處分偶然亂葉下風雨似同聞
谷鳥臨寒路籬花開遠雲逢幽無一語心眼自氤氳
十里蒼蒼路非深亦覺遐陰晴澹山氣雞犬靜人家
闔迴生溪水坪香過薜花紅黃光莫豔羣動豈無涯

尹嘉賓

舟泊惠山夜坐思琴

昔年與之子把酒對瑤琴明月蒹葭浦
秋江楓樹林檎夜中夜緩落葉萬山深
悵矣誰能理煙波不可尋

莊起元

紫霞洞

石室何寥廓蜿蜒信地靈洩雲終古白
豔草自然青軒帝藏神鼎准王貯道經
翛然來物外思鍊羽人形

王象春

送友人

郭外溪邊寺年來兩送行攀條猶在眼
落葉已無聲憶昔春山色能輕故國情
好將詩酒約歸問魯諸生

馬之駿

御選明詩

卷三

尹嘉賓
馬之駿

莊起元

王象春

三

聊園晚步

問病過鄰舍乘閑葺舊籬牛知自歸路
鳥亂欲栖時暮景不堪駐孤懷誰與期
畦丁報寒早催護隔年枝

十方禪院

何處堪消暑非山即水鄉樹深渾欲暝
花近反無香欲晚波難綠迎秋木漸蒼
市譁原未遠煙景乃微茫

秋日草橋作

白屋村村度青帘面面迎野溪殘雨入
側樹早陰生梨棗過橋色雞豚近市聲
未論丘與壑出郭已多情

